

# Prikätts

Et joef bes nauch vür ennesche Zik  
de Wißwiele Prikättfabrik.

Dø wutte säkbisch Johr lang bes  
am leißte Daach Prikätts jepräß <sup>1</sup>.

Am Äng vam Kreesch dø høtt et ävve  
Jranateträffer afjejävve.

Dat Werk konnt nemmi produziere.  
Me moot et iesch ens repariere.

Wie die Fabrik dann werrem joong  
on Klütte <sup>2</sup> produziere doong,  
joef et en Röetsche dat Jerusch:  
Die Siejermäschte han verfüüsch  
met Aanordnonge on Jesätz,  
dat jetz die Wißwiele Prikätts  
a Beljië <sup>3</sup> afzelevvere wöre.  
Dat broote <sup>4</sup> die net ze erkläre.  
Et wore all sisch he em Kloere:  
Mië hōdde jō dr Kreesch verlore!

Dä Aftransport wor, su dä Plan,  
mem Jüterzoch per Iesebahn.  
Die Fahrt nō Beljië eren  
wor op de Talsträck vürjesenn.  
Baal <sup>5</sup> woß faß jede en de Stadt  
dürsch Flüsterpropajanda, dat  
dä Zoch et øvends jäje Nöng  
he bejm Talbahnhōff halde dööng.

---

<sup>1</sup> die Weisweiler Brikettfabrik wurde 1973 stillgelegt

<sup>2</sup> Briketts <sup>3</sup> Belgien <sup>4</sup> brauchten <sup>5</sup> bald

Dat høtt sisch flöck erömmjesprauche.  
Dänn füze Heize on ze Kauche  
wor Brank <sup>1</sup> su wertvoll wie mä jet,  
on iesch ene Unionsprikätt!  
Dä Huusbrank <sup>1</sup> wor sträng razioniert.  
Dat hoosch <sup>2</sup>, dat me em Wenkter friert.

Halef Röetsche on dr Jäjäerspfad  
stoong at met Rucksäck aa parat.  
Mię loęche <sup>3</sup> a de Talstrooß-Mue  
em Bahnjelände op de Luę <sup>4</sup>.  
On och us Rischtong Ennestadt  
høtt Volek sisch op dr Wäesch jemaat.  
Et wor de Moltkestrooß äntlang  
en Völkerwanderong em Jang  
bes onge de Kaschteiebööm <sup>5</sup>.  
Dę stoonge se jetz all erömm  
met Kastewaan on Äpelsäck  
jespänstisch stell en dat Verstäck.

Ene jede keek <sup>6</sup> van senge Pęste  
janz opmerksam en Rischtong ęste.  
Dänn all die Lü erwaade jetz  
dä Zoch met Unionsprikätts.  
Die Onjedold wud emme jrötte.  
Op eemęłl dann dä Roof: »Dę kött-e!«

Koom høtt dä Jüterzoch jestopp,  
joong et op die Wajongs erop.  
Et beißte koęm me an ene Waan  
erop met Brämserhüßje <sup>7</sup> draan.  
Dę joęf et Trett on Hankjreff emme,  
fü liętere <sup>8</sup> eropzeglömme.  
Die Klömmerej wor, semme ięlisch <sup>9</sup>,  
em Düüstere net onjefięlisch <sup>10</sup>.

---

<sup>1</sup> Hausbrand, Heizmaterial <sup>2</sup> hieß <sup>3</sup> lagen <sup>4</sup> Lauer

<sup>5</sup> Kastanienbäumen <sup>6</sup> schaute <sup>7</sup> Bremserhäuschen

<sup>8</sup> leichter <sup>9</sup> sind wir ehrlich <sup>10</sup> ungefährlich

Dä Zoch hool mä e paa Minütte,  
jrad Zik jenooch, fü sisch die Klütte  
janz flöck van die Wajongs ze klaue  
on en de Rucksäck ze verstaue.

Et koeme och em huure Boere  
de Klütte dürsch de Luët jefloere;  
dänn ovve die han janz verbesse  
Prikätts vam Waan ęrafjeschmesse.  
Wer onge stoong on pass net op,  
hott angedaachs en Büül <sup>1</sup> am Kopp.

Dann joef et ene kotte Pfeff,  
on jede om Wajong bejreff:  
dä Jüterzoch, dä fięt <sup>2</sup> jlisch af.  
Dröm nüüß wie fott on flöck ęraf!  
On eß met ene Satz ęronge  
bes op et Schotterbätt jespronge.

Em Düüstere als nääkstes wore  
die Klütte, die om Schotter loęche,  
nauch bletschnäll opzerawfe <sup>3</sup> on  
en metjebraade Säck ze donn.  
Dauch et wor zämmelisch schwierig, »senge«  
Prikätt en däm Jewöhl ze fenge.  
Wat mięsch <sup>4</sup> zo Diskussiune führt,  
wäm dä jeklaude Klütt jehüet.

Et wutte dann op Kastewaane  
die Teische met Prikätts jelaane <sup>5</sup>,  
on Lü vam Langwahn han die dürsch  
de Bismarckströß nõheem jeschüresch <sup>6</sup>.

Et angedaachs em Morjejraue  
dę wore Manns-Lü, Kenge, Fraue  
at tösche Jleise sisch am böcke  
fü änkele Prikätts ze sööke.  
Die hott me jästere Qvend en  
de Donkelheet wahl övvesenn.

---

<sup>1</sup> Beule <sup>2</sup> fährt <sup>3</sup> aufzulesen <sup>4</sup> meist <sup>5</sup> geladen  
<sup>6</sup> gefahren

Die beljische Bevölkerong,  
of jruëß, of kleen, of alt of jong,  
hött also sälefsverständlich jetz  
ze wennisch Wißwiele Prikätts.  
Su han die allemoql däs wäje  
em Wenkter drop kaal Fööß jekreeje.

### Ięschde Noqdraach

Die Klütte wutte – keene Witz! –  
met Kalękbröh <sup>1</sup> af on zo bespritz.  
Me daat, dä Klütteklauder jlööf,  
em Koęlekäller wid jeprüöf  
van pengelije Kontrollöre,  
of die Prikätts jestoęle wöre.  
Die Akziuun wor füze Laache  
on dofür dę, os bang ze maache.  
Nie wud bekank, dat Kontrollöre  
em Käller kicke komme wöre.

### Zweide Noqdraach

Och Katolike drooche <sup>2</sup> schwoęere  
Prikättsäck heemwäęts op de Schoęere <sup>3</sup>.  
Dä Kardinal vam Dom en Kőlle <sup>4</sup>  
doong op dr Präędischstohl verzälle,  
wänn me us Nuut jet klaue döong,  
wör dat vür Jętt jeweß keen Söng <sup>5</sup>.  
Die Kőlsche han dann zämmelisch frääsch  
deräk e passend Woęt jeprüäsch <sup>6</sup>:  
Für su-n Beschaffungstätischkeet  
bes hü op Kőlsch me »fringse« <sup>7</sup> säät.

<sup>1</sup> Kalkbrühe <sup>2</sup> trugen <sup>3</sup> auf den Schultern <sup>4</sup> Josef Kardinal Frings  
(1887-1978), Erzbischof des Erzbistums Köln <sup>5</sup> Sünde

<sup>6</sup> geprägt <sup>7</sup> das Tätigkeitswort »fringsen«